

## Shefa Provincial Health Office

Director Peace Corps Office Vanuatu Mr. Kevin George, i handem ova wan photocopy machine long Wednesday namba 12 March 2008, iko long Shefa Provincial Health Office.

Long toktok blong handing ova, hemi talem Peace Corps Office Vanuatu, Ministry blong Health mo Shefa Provincial Health Office oli bin saenem wan Memorandum of Understanding long year 2005.

Tinktink bihaen long MOU, hemi blong Ministry blong Health, Peace Corps Office Vanuatu mo Shefa Provincial Health Office, oli wok together blong impruvum mo strengthenem health services delivery long Shefa.

Folem tinktink ia, ikat total blong four Peace Corp Volunteers, oli kam wok long Shefa Province long year 2005. Oli finisim wok mo ko back long US. Ten oli stap wok naoia, mo bambae ikat four moa we bae oli arrive long April, hemia long nekis manis.

Hemi talem olgeta volunteers ia, wan istap wetem Shefa Provincial Health Office, i wok olsem Advisor long Shefa Management, mo olgeta nine oli stap wok wetem community long Epi, Emae, Tongariki mo Efate. Olgeta ia oli wok wetem different communities blong faenem ol stampa blong health problems long community mo helpem olgeta blong faenem solutions.

Mr. Leo Rihu, Provincial Health Manager long Shefa, hemi risivim photocopy machine. Hemi talem tank you long bihaf long Ministry blong Health, management team mo staffs blong Shefa, iko long Mr.

Kevin George, Director Peace Corps Office Vanuatu. Hemi talem tank yu tu long Christian Mitchell, General Manager Copy Express, from installation mo ol niufala parts mo awareness we Chris staff long Copy Express i bin mekem long saed blong photocopier.

Olgeta long Copy Express i bin soemaot long ol staf blong Shefa Health, hao blong operatem photocopy machine, mo givim ol awareness long saed blong photocopy machine.

Mr. Rihu i talem se photocopy machine hemi wan bigfala nid blong Shefa Provincial Health Office, from wan we olistap usum i olfala mo broke down ol taem.

Donation ia i save helpem olgeta blong impruvum mo strengthenem services delivery iko long community.

Hemia ino first donation, Peace Corps Office Vanuatu i bin donatem wan computer finis, ikam long Shefa Provincial Health Office long year 2005, mo naoia hemi helpem gud ol staffs long wok blong olgeta.

Management team blong Shefa Provincial Health Office, i talem tank yu long Director mo Peace Corps Office Vanuatu, long gudfala cooperation mo support, mo long Copy Express long wok mo trening blong olgeta.

Hemi hope se photocopy machine, we Peace Corps Office Vanuatu hemi donatem, bambae i help more blong impruvum mo strengthenem services delivery iko long communities long Shefa mo Vanuatu.

**BIBLE SHARING:** Romans 5: 3-4 When you think you've reached the end of your rope, just hold on a little longer. Patience is often the key that opens the door to God's blessing. Sometimes we must be content to wait for this answer.